



REPUBLIKA E KOSOVËS / REPUBLIKA KOSOVA

GJYKATA THEMELORE PEJË

Numri i lëndës: 2020:041743

Datë: 08.04.2021

Numri i dokumentit: 01674281

**P. nr. 267/20**

**NË EMËR TË POPULLIT**

GJYKATA THEMELORE NË PEJË D.P. , gjyqtari Sejdi Blakaj me sekretaren juridike Gjyljeta Çorkadiu , në lëndën penale kundër të pandehurit A. V. , sipas aktakuzës së PTH-së D.P. në Pejë PP/II. nr.397/20 të dt.12.3.2020 për shkak të veprës penale: lëndim i lehtë trupor ngas neni 185 par 1 nën par 1.1 të KPRK-së, pas përfundimit të shqyrtimit fillestar , publik dhe me gojë, të mbajtur në praninë e të pandehurit A. V. dhe të prokurorit të shtetit Suada Hamza me dt.08.4.2021 ka marrë dhe botërisht ka shpallë këtë :

**A K T G J Y K I M**

**I pandehuri A. V. i lindur me dt....., në ..... m e vendbanim në ..... rruga ..... nr. 19, biri i B. dhe nënës Sh. e gjinisë R. , i njohur me dokument identifikues numër ....., ka të kryer shkollën fillore , i pa punë , i pa martuar , i gjendjes së dobët ekonomike, Shqiptar shtetas i Republikës së Kosovës , kinse i pa dënuar nga gjykata, gjendet në liri.**

**ËSHTË FAJTOR**

**Për shkak se :**

Me dt. 13.12.2019, rreth orës 16:00, në rrugën “ .....” në ..... , afër shkollës së mesme ekonomike “.....” , personit tjetër i shkakton lëndime të lehta trupore me dëmtime të përkohshme të shëndetit dhe atë dtë dëmtuarit A. S., në atë mënyrë që, derisa i dëmtuari ishte duke e pritur autobusin së bashku me dy nxënës të tjerë aty shkon i pandehuri A. V. duke iu drejtuar me fjalët “çka i ke thënë ti Nevruzit” dhe e godet me grusht në syrin e majtë dh në kokë , për çka i dëmtuari rrëzohet në tokë dhe pëson lëndime trupore të cilat sipas ekspertizës mjeko-ligjore janë kualifikuar si dëmtime të lehta trupore me pasoja të përkohshme në shëndet.

Me çka ka kryer veprë penale : lëndim i lehtë trupor nga neni 185 par 1 nën par 1.1 të KPRK-së

Prandaj gjykata të pandehurin konform nenit 38,39, 40, 43, dhe nenit 185 par 1 nën par 1.1 të KPRK-së.

**E G J Y K O N**

Me dënim me gjobë në shumë prej **300 € euro**, të cilën gjobë i pandehuri është i obliguar ta paguaj në afat prej 3 muajsh , në rast të mospagimit gjoba në fjalë i zëvendësohet me dënim me burg duke llogaritur 20 (njëzet) euro për 1 ( një) ditë burgu .

I pandehuri për shkak të gjendjes së varfër ekonomike lirohet nga pagimi i shpenzimeve të procedurës penale

I dëmtuari për realizimin eventual të kërkesës pasurore juridike udhëzohet në kontest të rregullt civil .

## **A r s y e t i m**

Prokuroria Themelore në Pejë me dt.12.3.2020 kundër të pandehurit A. V. , ka ngritë aktakuzë PP/II. nr.397/20 për vepër penale: lëndim i lehtë trupor ngas neni 185 par 1 nën par 1.1 të KPRK-së, duke i propozuar gjykatës që pas përfundimit të shqyrtimit gjyqësorë të pandehurin ta shpallë fajtorë , ta dënoj sipas ligjit dhe ta obligoj në pagimin e shpenzimeve procedurale .

Në shqyrtimin fillestarë i pandehuri – pasi që paraprakisht i është lexuar aktakuza , është njoftuar me të drejtat dhe detyrimet procedurale dhe pasojat e pranimit përkatësisht të mos pranimit të fajësisë- e ka pranuar fajësinë dhe ka manifestuar keqardhje për atë që i ka ndodhur. Këtë pranim fajësie gjyqtari – pasi që paraprakisht e ka marrë pëlqimin e prokurorit të shtetit, i bindur se pranim fajësinë i pandehuri e ka bërë ashtu siç e parashih ligji – vullnetarisht dhe pa u ndikuar nga askush dhe në asnjë mënyrë - e ka pranuar

Meqenëse i pandehuri e pranoi fajësinë gjyqtari kaloi në marrjen e vendimit lidhur me llojin dhe lartësinë e masës ndëshkuese , me ç rast i pati parasysh të gjitha rrethanat rënduese dhe lehtësuese. Rrethanë rënduese në rastin konkret gjyqtari nuk ka gjetur , kurse nga ato lehtësuese ka çmuar : pranimin e sinqertë të fajësisë , e që është rrethanë veçanërisht lehtësuese , pendimin e thellë për këtë gjë, qëndrimin korrekt në gjykatë, moshën e re të të pandehurit dhe sidomos gjendjen e rëndë ekonomike – askush në familjen e tij nuk është i punësuar , dhe kështu gjyqtari mendon se edhe me një vendim si në dispozitivin e aktgjykimit ndaj të pandehurit do të arrihet qëllimi i ndëshkimit i paraparë me neni 38 të KPK-së .

Vendimi mbi shpenzimet e procedurës penale dhe të paushallit gjyqësor është marrë konform nenit 453 të KPPRK-së.

Vendimi mbi udhëzimin e të dëmtuarit në kontestin e rregullt civil është marrë konform nenit 463 të KPPRK-së .

Nga sa u tha më lartë konform nenit 365 të KPPRK-së u vendos si më lartë.

Nga Gjykata Themelore në Pejë D.P. datë.08.4.2021.

Sekretarja juridike  
Gjyljeta Çorkadiu

Gjyqtari  
Sejdi Blakaj

### **KËSHILLA JURIDIKE**

Kundër këtij aktgjykimi lejohet  
Ankesa në afat prej 15 ditësh nga  
Dita e marrjes , Gjykatës të Apelit në Prishtinë  
E përmes kësaj Gjykate .